



Broj: 01-150/14
Vareš, 29.05. 2014. godine

Z A P I S N I K
*s 18. sjednice Općinskog vijeća Vareš,
održane 29.04. 2014. godine*

Zdravko Marošević – predsjedavajući Općinskog vijeća Vareš, otvorio je 18. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Zdravko Barkić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni: Nema

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, predsjednici političkih stranaka, direktor JKP d.o.o. Vareš Zafer Kamenjaš i drugi gosti.

Sekretar OV Leon Pavlović izvijestio je Vijeće o realizaciji Zaključaka sa 17. sjednice OV održane 31.03.2014. godine. Na 17. sjednici OV doneseno je pet (5) Zaključaka, tri (3) Zaključka su realizovana, dva (2) Zaključka nisu vremenski definisana i oni su stalni zadatak Službi za upravu i odnose se na kontrolu provedbe Odluke o komunalnom redu i aktivnosti nadležne Službe vezano za stanje u mjesnim zajednicama. Postavljeno je pet (5) vijećničkih pitanja na koja su nadležni dostavili odgovore podnosiocima vijećničkih pitanja.

Općinski načelnik Kovačević Avdija u okviru aktualne problematike na području općine Vareš, za današnju sjednicu nije imao obraćanje.

(Vijećnička pitanja)

Ismet Abdulahović

1. Traži da mu se odgovori imenom i prezimenom tko je dobio poticaj od strane JU Zavod za zapošljavanje? Zamolio je poslanika Skupštine ZDK gosp. Fahrudina Brkića da ovo pitanje proslijedi u Skupštinu ZDK. O postavljenom pitanju dao je i pojašnjenje.

Elvir Rožajac

2. Moli nadležne da preko ministarstava, iznađu mogućnost da se hitno pristupi sanaciji dijela zida korita rijeke Stavnje (lijeva strana od crkve)?

Đemo Kevrić

3. Pitanje upućeno JKP d.o.o. Vareš – Zašto se odvoz smeća sa područja mjesnih zajednica ne vrši češće, jer dva puta mjesečno je malo za razliku od prethodnog perioda? O postavljenom pitanju dao je i pojašnjenje.

Predsjedavajući OV skrenuo je pažnju svim vijećnicima o načinu postavljanja vijećničkih pitanja.

Predsjedavajući OV stavio je na raspravu Zapisnik sa 17. sjednice OV.

Za riječ se javio vijećnik Đemo Kevrić koji je dao primjedbu na vođenje-izradu zapisnika da se neke diskusije pojedinih vijećnika u raspravi po tačkama dnevnog reda unose skoro u cijelosti u zapisnik, a neke ne unose nego se samo navedu učesnici u raspravi. Sugerise da se diskusije o konkretnim stvarima koje su od interesa unose u zapisnik.

Predsjedavajući OV je izjavio da vijećnici imaju pravo da iznose svoje primjedbe na zapisnik a samim tim i upućivati na poboljšanje izrade istog, te ako smatraju da ima diskriminacije da se konkretno iznese kako bi Služba mogla to da ispravi.

Sekretar OV Leon Pavlović javio se za riječ i u svom obraćanju dao pojašnjenje u vezi izrade zapisnika i odredbi definisanim Poslovníkom o radu OV koje se odnose na vođenje i izradu zapisnika, te izjavio da će Služba ubuduće voditi računa o segmentu (izneseni prijedlozi) na koji je ukazao vijećnik Đemo Kevrić, ali da će sve biti urađeno u skladu sa Poslovníkom o radu OV.

Nije više bilo primjedbi i predsjedavajući OV stavio je na izjašnjanje Zapisnik sa 17. sjednice OV, te nakon izjašnjanja vijećnika konstatuje da je **Zapisnik sa 17. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 18. sjednicu OV koji je usaglašen na Kolegiju Općinskog vijeća.

Za riječ se javio Općinski načelnik Kovačević Avdija koji je predložio dopunu dnevnog reda 18. sjednice sa tačkom 11. „Prijedlog Rješenja o imenovanju Komisije za odabir korisnika sredstava Budžeta Općine Vareš za 2014. godinu – transfer za neprofitne organizacije“. Dosadašnja tačka 11. „Tekuća pitanja“ postala bi tačka 12.

Nije više bilo prijedloga i predsjedavajući OV stavio je na izjašnjanje prijedlog dnevnog reda za 18. sjednicu OV sa predloženom dopunom, te nakon izjašnjanja vijećnika konstatuje da je **jednoglasno usvojen s l i j e d e ć i**

Dnevni red

1. **Prijedlog Odluke o izmjeni Odluke o izradi Plana prikupljanja otpadom općine Vareš za period 2014-2018. godina.**
2. **Prijedlog Plana prikupljanja otpadom općine Vareš za period 2014.-2019. godina sa prijedlogom Zaključka.**

3. Informacija o ostvarenim prihodima u 2013. godini po osnovu odluka Općinskog vijeća Vareš, i to:
 - a) Odluke o općinskim administrativnim taksama,
 - b) Odluke o općinskim komunalnim taksama,
 - c) Odluke o komunalnoj naknadi,
 - d) Odluke o građevinskom zemljištu,
 - e) Odluke o osnivanju općinskog fonda za vatrogastvo
4. Informacija o dosadašnjoj primjeni Zakona o šumama FBiH, sa podacima o tužbama i potraživanjima Općine Vareš.
5. Informacija o realizaciji Ugovora o koncesijama za 2013. godinu
6. Informacija o zimskom održavanju lokalnih i regionalnih puteva i gradskih ulica
7. Informacija o provođenju lokalnog ekološkog akcionog/akcijskog plana za općinu Vareš u 2013. godini
8. Informacija o dostignutom nivou obnove i procesu povratka raseljenih osoba
9. Informacija o kalkulaciji i cijenama komunalnih usluga koje pruža JKP d.o.o. Vareš.
10. Prijedlog mjera racionalizacije troškova Jedinog općinskog organa uprave Općine Vareš.
11. Prijedlog Rješenja o imenovanju Komisije za odabir korisnika sredstava Budžeta Općine Vareš za 2014. godinu – transfer za neprofitne organizacije“.
12. Tekuća pitanja

Ad. 1.

*(Prijedlog Odluke o izmjeni Odluke o izradi
Plana prikupljanja otpadom općine Vareš za period 2014-2018. godina.)*

Nije bilo rasprave po ovoj tački i predsjedavajući OV stavio je na izjašnjanje Prijedlog Odluke o izmjeni Odluke o izradi Plana prikupljanja otpadom općine Vareš za period 2014-2018. godina.

Nakon izjašnjanja vijećnika predsjedavajući OV konstatuje da **je jednoglasno usvojena**

***Odluka o izmjeni Odluke o izradi Plana prikupljanja
otpadom općine Vareš za period 2014-2018. godina.***

Ad.2.

*(Prijedlog Plana prikupljanja otpadom općine Vareš
za period 2014-2019. godina sa prijedlogom Zaključka.)*

Nije bilo rasprave po ovoj tački i predsjedavajući OV stavio je na izjašnjanje Prijedlog Plana prikupljanja otpadom općine Vareš za period 2014-2019. godina, sa prijedlogom Zaključka.

Nakon izjašnjavanja vijećnika predsjedavajući OV konstatuje da **je jednoglasno usvojen**

Plan prikupljanja otpadom Općine Vareš za period 2014-2019. godina sa prijedlogom Zaključka.

Ad. 3.

(Informacija o ostvarenim prihodima u 2013. godini po osnovu odluka Općinskog vijeća Vareš, i to:

- a) Odluke o općinskim administrativnim taksama,*
- b) Odluke o općinskim komunalnim taksama,*
- c) Odluke o komunalnoj naknadi,*
- d) Odluke o građevinskom zemljištu,*
- e) Odluke o osnivanju općinskog fonda za vatrogastvo)*

Otvorena je rasprava u kojoj je učestvovali vijećnici: Mario Mirčić, Ismet Abdulahović, predsjedavajući OV Zdravko Marošević i Zihinja Krnjić pomoćnik načelnika koji odgovorio na postavljeno pitanje vijećnika Maria Mirčić.

Zatvorena je rasprava i predsjedavajući OV stavio je na izjašnjavanje Informaciju o ostvarenim prihodima u 2013. godini po osnovu odluka Općinskog vijeća i to: a) Odluke o općinskim administrativnim taksama, b) Odluke o općinskim komunalnim taksama, c) Odluke o komunalnoj naknadi, d) Odluke o građevinskom zemljištu, e) Odluke o osnivanju općinskog fonda za vatrogastvo.

Nakon izjašnjavanja vijećnika predsjedavajući OV je konstatovao **da je jednoglasno usvojena**

Informacija o ostvarenim prihodima u 2013. godini po

osnovu odluka Općinskog vijeća Vareš, i to:

- a) Odluke o općinskim administrativnim taksama,***
- f) Odluke o općinskim komunalnim taksama,***
- g) Odluke o komunalnoj naknadi,***
- h) Odluke o građevinskom zemljištu,***
- i) Odluke o osnivanju općinskog fonda za vatrogastvo.***

Ad. 4.

(Informacija o dosadašnjoj primjeni Zakona o šumama FBiH, sa podacima o tužbama i potraživanjima Općine Vareš.)

Predsjedavajući OV podsjetio je da su vijećnici dobili akt-Obrazloženje ministarstva za poljoprivredu, šumarstvo i vodoprivredu ZDK broj: 05-14-6264/14 od 15.04.2014. godine i akt premijera ZDK broj: 02-14-8554/14 od 22.04.2014. godine, te da vijećnici, o navedenim aktima, mogu raspravljati u sklopu ove tačke dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Zdravko Barkić, Elvir Rožajac, Mario Mirčić, Đemo Kevrić, Boško Andrić, Ismet Abdulahović, općinski načelnik Kovačević Avdija,

Vijećnik Zdravko Barkić u svom obraćanju predložio je, da Vijeće na današnjoj sjednici donese zaključak da se uputi upozorenje JP ŠPD Zavidovići da usaglasi stanje, odnosno da prihvati potraživanje iz 2012. godine koje iznosi oko 270.000 KM. Ukoliko ne prihvati sporazumno, da se ide na tužbu i da poduzmemo odgovarajuće mjere kako bi natjerali više niveoe vlasti da poštuju zakone koje donose.

Vijećnik Đemo Kevrić u svom obraćanju predložio je da se u potpunosti pristupi aktiviranju Odluke o zabrani nastavka sječe i eksploatacije šume, izvlačenja šumskih sortimenata na području općina Vareš i Olovo, pa da Vijeće na neki način da i njima do znanja ako oni ne daju da se sprovodi Odluka o osnivanju Javnog preduzeća „Šumsko-privredno društvo Šumarstvo Vareš i Olovo“ d.o.o. Vareš, da mi možemo naše blago zaštititi da se ne siječe i ne izvozi.

Vijećnik Ismet Abdulahović u svom obraćanju iznio je prijedlog BPS da se zabrani izvoz šume blokiranjem izlaza.

Općinski načelnik Kovačević Avdija dao je dodatno pojašnjenje za ovu tačku dnevnog reda, odgovorio na pitanja postavljena u raspravi i upoznao Vijeće o pokrenutim pravnim procedurama koje se odnose na Zakon o šumama i formiranje JP „Šumsko – privredno društvo Šumarstvo Vareš i Olovo“ d.o.o. Vareš. Na osnovu prijedloga vijećnika Zdravka Barkića pozvao je Vijeće da na današnjoj sjednici donese zaključak kojim bi se ovlastio Jedinstveni općinski organ, da po istoj analogiji po kojoj je Općinsko vijeće Olovo donijelo takav zaključak, da nadležnost općinskom načelniku, da se za period vakuma u kome je poslovalo ŠPD ZDK, podnese krivičnu tužbu protiv Uprave JP ŠPD Zavidovići za prekomjerno bogaćenje, u skladu sa odredbama Zakona koji reguliše tu materiju.

U daljoj raspravi učestvovali su vijećnici: Đemo Kevrić koji je zatražio od Općinskog načelnika da prilikom izlaganja koja imaju uticaj na donošenje odluka, Vijeće izvijesti, odnosno iznese dodatno pojašnjenje prije rasprave vijećnika. Zdravko Barkić ponovio je svoj prijedlog u vezi upućivanja upozorenja JP ŠPD, te predložio u slučaju da dođe do vanskudske nagodbe (u vezi dugovanja), da se u vanskudskoj nagodbi navede član kojim bi se u slučaju nepoštivanja rokova otplate obaveza, vanskudska nagodba stavila van snage, kao i ako u periodu od pola godine ne dođe do vidljivih i konkretnijih promjena po ovim predmetima, da se razmišlja o radikalnijim mjerama.

Za riječ se javio Općinski načelnik koji je zatražio da se u integralnom obliku u zapisnik unese njegova izjava koja glasi: „Odgovorno tvrdim da nismo izvršili ni jednu jedinu povredu zakona, važećih zakona prilikom donošenja naših odluka 02. jula 2013. godine. I vrijeme će pokazati kako smo izuzetno teške i istovremeno korisne odluke za ovu društveno-političku organizaciju donijeli.“

U daljem obraćanju, Općinski načelnik predložio je set zaključaka:

1. Da Općinsko vijeće zaduži Jedinostveni općinski organ i Općinskog načelnika da zajedno sa općinskim pravobraniocem, pokrene tužbu protiv Uprave ŠPD ZDK za period intervakuma, odnosno rada u bezakonju sa kvalifikativom za prekomjerno bogaćenje, na način kako je to uradilo Općinsko vijeće Olovo.
2. Da Općinsko vijeće ovlasti Jedinostveni općinski organ i Općinskog načelnika da nastavi pregovore do kraja mjeseca maja, na način kako je započeto sa premijerom i Vladom ZDK, oko iznalaženja ovih rješenja.
3. Bilo kakvo fuzionisanje dijelova jedne i druge firme, odnosno dijela Jedinostvenog općinskog organa s jedne strane i JP ŠPD s druge strane, mora biti praćeno na zakonu utemeljenim odlukama (obaveza iz zakona). To znaći ukoliko bi se napravio sporazum oko fuzionisanja dijela našeg Vatrogasnog voda u JP ŠPD-a, odluku o tome mođe jedino donijeti OV Vareš s jedne strane i Skupština JP ŠPD s druge strane.
4. Da se prilikom formiranja stručne ekipe, odnosno delegacije Općine Vareš, koja će voditi završne pregovore sa Vladom ZDK oko potpisivanja protokola o reprogramiranju duga koji se odnosi na izvršne sudske presude koje je dobila Općina Vareš, ukljuće najmanje dva vijećnika OV Vareš.

Za rijeć se javio vijećnik Mario Mirćić koji je predložio da se naglasi da je tužba na temelju Odluke OV Vareš od 02.07.2013. godine koja je stupila na snagu 01.01.2014. godine.

Za rijeć se javio vijećnik Ismet Abdulahović koji je predložio da u sastavu Komisije bude predsjedavajući OV, kao i u svim delegacijama kao predstavnik ovog politićkog tijela.

U daljoj raspravi su učestvovali Općinski načelnik Kovaćević Avdija, poslanik u Skupštini ZDK Fahrudin Brkić, vijećnici Nikola Šimić i Elvir Rožajac.

Predsjedavajući OV Zdravko Marošević nakon obraćanja, zamolio je predsjednike Klubova, predstavnike stranaka i Općinskog načelnika da u toku pauze od 15 minuta, usaglase i definišu zaključke sa kojim će se upoznati Vijeće.

Predsjedavajući OV dao je pauzu u trajanju od 15 minuta.
Nastavljeno je sa radom sjednice.

Predsjedavajući OV pozvao je sekretara OV da Vijeće upozna sa zaključcima koji su usaglašeni u toku pauze a na osnovu rasprave i diskusija o Informaciji o dosadašnjoj primjeni Zakona o šumama FBiH, sa podacima o tužbama i potraživanjima Općine Vareš, broj: 02-367/14 od 10.04.2014. godine.

Sekretar OV upoznao je Vijeće sa slijedećim

Zaključcima

1. **Zaduđuje se Općinski načelnik da pokrene krivićnu prijavu protiv Uprave JP ŠPD Zavidovići, radi nepošivanja Odluke OV Vareš i Olovo o zabrani nastavka sjeće i eksploatacije šume, izvlaćenja šumskih drvnih sortimenata na području općina Vareš i Olovo, broj: 01-201/13 od 02.07.2013. godine, koja je stupila na snagu 01.01.2014. godine.**

2. **Ovlašćuje se Općinski načelnik da pokrene solidarnu tužbu protiv Vlade Ze-do kantona i Uprave JP ŠPD Zavidovići za naplatu koncesionih naknada za korištenje šume za drugu polovinu 2011. godine i cijelu 2012. godinu.**
3. **Općinsko vijeće zadužuje Općinskog načelnika za vođenje pregovora oko vansudskih nagodbi vezanih za izvršne sudske presude, s tim da konačnu saglasnost na eventualno utvrđeni protokol, o vansudskoj nagodbi mora predhodno odobriti Općinsko vijeće.**

Nije više bilo učesnika u raspravi i predsjedavajući OV stavio je na izjašnjanje Informaciji o dosadašnjoj primjeni Zakona o šumama FBiH, sa podacima o tužbama i potraživanjima Općine Vareš, sa usaglašenim Zaključcima.

Nakon izjašnjanja vijećnika predsjedavajući OV konstatuje da su sa **17 glasova „ZA“ i 2 „SUZDRŽANA“ glasa usvojeni predloženi Zaključci i**

***Informacija o dosadašnjoj primjeni zakona o šumama FBiH,
sa podacima o tužbama i potraživanjima Općine Vareš.***

Ad. 5.

(Informacija o realizaciji Ugovora o koncesijama za 2013. godinu.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Informaciju o realizaciji Ugovora o koncesijama za 2013. godinu.

Nakon izjašnjanja vijećnika predsjedavajući OV konstatuje da je sa **17 glasova „ZA“ i 2 „SUZDRŽANA“ glasa usvojena**

Informacija o realizaciji Ugovora o koncesijama za 2013. godinu.

Ad.6.

*(Informacija o zimskog održavanju lokalnih
i regionalnih puteva i gradskih ulica.)*

Nije bilo rasprave po ovoj tački dnevnog reda i predsjedavajući OV stavio je na izjašnjanje Informaciju o zimskom održavanju lokalnih i regionalnih puteva i gradskih ulica.

Nakon izjašnjanja vijećnika predsjedavajući OV konstatuje da sa **18 glasova „ZA“ i 1 „SUZDRŽANIM“ glasom usvojena**

***Informacija o zimskog održavanju lokalnih
i regionalnih puteva i gradskih ulica.***

Ad. 7.

(Informacija o provođenju lokalnog ekološkog akcionog/akcijskog plana za općinu Vareš u 2013. godini.)

Otvorena je rasprava u kojoj su učestvovali vijećnici Ismet Abdulahović koji je uputio pitanje predlagачu zašto nikad nije provedeno natkrivanje autobuskih stajališta od Dabravina do Vareša na osnovu LEP-a donesenog 2009. godine. Elvir Rožajac koji je zatražio da nadležni daju pojašnjenje-podatke u vezi deminiranja u MZ Ravne. Ermin Musa pomoćnik načelnika koji je dao odgovor na postavljeno pitanje vijećnika Ismeta Abdulahovića, da će se natkrivanje izvršiti kad bude sredstava.

Nije više bilo učesnika u raspravi i predsjedavajući OV stavio je na izjašnjavanje Informaciju o provođenju lokalnog ekološkog akcionog/akcijskog plana za općinu Vareš u 2013. godini.

Nakon izjašnjavanja vijećnika predsjedavajući OV konstatuje da je sa **15 glasova „ZA“, 2 glasa „PROTIV“ i 1 „SUZDRŽANIM“ glasom usvojena**

Informacija o provođenju lokalnog ekološkog akcionog/akcijskog plana za općinu Vareš u 2013. godini.

Ad.8.

(Informacija o dostignutom nivou obnove i procesu povratka raseljenih osoba.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o dostignutom nivou obnove i procesa povratka raseljenih osoba.

Nakon izjašnjavanja vijećnika predsjedavajući OV konstatuje da je **jednoglasno usvojena**

Informacija o dostignutom nivou obnove i procesu povratka raseljenih osoba.

Ad. 9.

(Informacija o kalkulaciji cijena komunalnih usluga koje pruža JKP d.o.o. Vareš.)

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Safeta Muftić, Zdravko Barkić, Boško Andrić, Kenan Kamenjaš, Elvir Rožajac, Ismet Abdulahović, Mario Mirčić, Općinski načelnik Kovačević Avdija, pomoćnik načelnika Ermin Musa, predsjedavajući OV Zdravko Marošević, direktor JKP d.o.o. Vareš Zafer Kamenjaš i vijećnica Mahira Brkić,

- Safeta Muftić u svom obraćanju sugerisala - predložila je Općinskom načelniku
- da Općina Vareš obavljanje komunalnih djelatnosti koje se finansiraju iz njenog budžeta, isključivo povjerava JKP d.o.o. Vareš, jedino u slučajevima kad JKP d.o.o. Vareš ne posjeduje odgovarajuće tehnološke i ekonomske uslove, obavljanje tih djelatnosti može se povjeriti drugom pravnom licu.
 - u slučaju da JKP d.o.o. Vareš ne posjeduje sve odgovarajuće tehnološke i ekonomske uslove, te mora određene djelatnosti ponuditi drugom subjektu, da se prije sklapanja

ugovora sa vanjskim subjektom izdvoje svi poslovi i najsitniji za koje JKP d.o.o. Vareš ima uslove i isti im se dodijele uz redovno plaćanje od strane Općine.

- predlaže OV preispitivanje Odluke o izmjeni Odluke o kalkulativnim parametrima koju je OV donijelo na 23. sjednici održanoj 29.11.2010. godine, a koja se odnosi na zahvaćene i isporučene količine vode, što je i predloženo u tački 2. informacije o kalkulaciji cijena komunalnih usluga koje pruža JKP d.o.o. Vareš.

Zdravko Barkić u svom izlaganju istakao je prijedlog Radne grupe kojim je predloženo JKP d.o.o. Vareš da izvrše konsultacije sa Izvršnom vlašću u Općini, da se vidi iz kojih sve izvora se može iskompenzirati razlika u cijeni vode i da izađu pred Vijeće sa prijedlogom cijene vode.

Kenan Kamenjaš u svom izlaganju ispred Kluba vijećnika SDA predložio je

- da se prilikom određivanja cijene vode, cijene uklope u jednu socijalno-ekonomsku situaciju običnog građanina
- da se razdvoji cijena vode potisnih i gravitacionih vodovoda, ali sa uslovom da se prethodno svi vodovodi svih mjesnih zajednica obuhvate i uklope u sistem JKP-a.

Općinski načelnik Kovačević Avdija u svom izlaganju dao određena pojašnjenja, sugerisao i predložio Vijeću zaključak:

- Prihvata se Izvještaj Komisije u punom kapacitetu, jer je nedvosmisleno dokazala da je Uprava JKP d.o.o. Vareš utvrdila metodologiju koja je zasnovana na Zakonu o komunalnim djelatnostima ZDK
- Cijena komunalne usluge sadrži sve troškove održavanja i funkcionisanja komunalnog sistema na koji se odnosi, te troškove nabavke novih stalnih sredstava davaoca komunalne usluge i anuitete kreditnih zaduženja za strateške projekte prema članu 34. stav 2. i 3. istog člana Zakona.

Direktor JKP d.o.o. Vareš Zafer Kamenjaš u svom izlaganju zamolio je predsjedavajućeg OV da poslije izjašnjavanja o Informaciji Radne grupe, uradi se prijedlog mjera u vezi viška resursa i eventualno da neke kapacitete koje imamo u vodnim resursima stavimo u funkciju ili prodaju drugim.

Predsjedavajući OV skrenuo je pažnju da se rasprava vodi o Informaciji o kalkulaciji cijena komunalnih usluga koje pruža JKP d.o.o. Vareš, koju je Vijeću dostavljena od strane Radne grupe.

Vijećnik Kenan Kamenjaš zatražio je pauzu u trajanju 10 minuta.

Predsjedavajući OV dao je pauzu u trajanju 10 minuta.

Nastavljeno je sa radom sjednice.

Nije više bilo učesnika u raspravi i predsjedavajući OV zaključio je raspravu po ovoj tački dnevnog reda.

Predsjedavajući OV podsjetio je Vijeće da se o Informaciji o kalkulaciji cijena komunalnih usluga koje pruža JKP d.o.o. Vareš, koju je izradila radna grupa Vijeće ne izjašnjava, nego je prima k znanju, te o potrebnim daljnjim aktivnostima JKP d.o.o. Vareš na izradi prijedloga mjera i nove odluke o kalkulativnim cijenama vode.

Predsjedavajući OV je konstatovao da je Vijeće Informaciju o kalkulaciji cijena komunalnih usluga koje pruža JKP d.o.o. Vareš *primilo k znanju*.

Ad. 10.

*(Prijedlog mjera racionalizacije troškova
Jedinstvenog općinskog organa uprave Općine Vareš.)*

Općinski načelnik Kovačević Avdija u svom obraćanju dao je dodatno pojašnjenje za ovu tačku dnevnog reda i pozvao Vijeće da podrži slijedeći paket mjera štednje koji je naveden u dokumentu:

1. Izvršiti analizu Odluke o utvrđivanju platnih razreda i koeficijenata za obračun plaća državnih službenika i namještenika u Jedinstvenom općinskom organu uprave Općine Vareš i Stručnoj službi Općinskog vijeća i Općinskog načelnika, broj: 01-25/13 od 29.01.2013. godine,
2. Prevoz na posao i sa posla isplaćivati u skladu sa Zakonom i podzakonskim aktima,
3. Do 30.06.2014. godine donijeti novi Pravilnik o unutrašnjoj organizaciji u skladu s Odlukom o organizovanju općinskih službi za upravu Općine Vareš i Stručne službe Općinskog vijeća (prečišćeni tekst) i naprijed predloženim brojem potrebnih izvršilaca, te s osnovnim elementima toga pravilnika u pisanoj formi upoznati Općinsko vijeće Vareš,
4. Obavezuje se Općinski načelnik da po donošenju novog Pravilnika o unutrašnjoj organizaciji riješi pitanje prekobrojnosti u skladu s važećim zakonskim i podzakonskim aktima,
5. Zbog usvojenih budžetskih proporcija, ne povećavati niti smanjivati osnovicu za obračun plaća u Jedinstvenom općinskom organu uprave Općine Vareš u iznosu od 220,00 KM, jer bi se došlo do poremećaja sistema vrijednosti po kome bi bila kažnjena visoka stručna sprema i dijelom viša stručna sprema, jer se za značajan dio zaposlenika, bez obzira na koeficijente iz platnih razreda, mora obezbjediti zagarantovana plaća u iznosu od 70% prosječne plaće ostvarene u Federaciji BiH u posljednja tri mjeseca prema zvaničnim statističkim pokazateljima. Izuzetno, osnovica se može smanjiti, ali bi se time došlo u fazu uravnilovke, koja je faktor destimulacije i velika opasnost za neadekvatno pružanje usluga našim korisnicima,
6. U JU Centar za socijalni rad Vareš utvrditi prekobrojnost i provesti racionalizaciju u smislu dovođenja ove ustanove na optimalan broj izvršilaca,
7. Pripremiti i usvojiti rebalans budžeta u narednom periodu, kao posljedicu naprijed donesenih odluka,
8. O praćenju, realizaciji i ostvarenju donesenih mjera izvještavati Općinsko vijeće Vareš.

Otvorena je rasprava u kojoj su svoje prijedloge, primjedbe, sugestije, mišljenja i pitanja iznijeli vijećnici: Elvir Rožajac, Zdravko Barkić, Ismet Abdulahović, Tajiba Brkić, Đemo Kevrić i Kenan Kamenjaš.

Elvir Rožajac u svom obraćanju uputio je pitanje zašto su se primali novi radnici ako se znalo da će doći do ovog problema, odnosno do prekobrojnosti zaposlenih.

Ismet Abdulahović u svom obraćanju skrenuo je pažnju na primjedbe i sugestije Sindikalne organizacije Općine Vareš na dokument, te predložio Vijeću da ovaj paket mjera ostavi se sa strane, dok se ne dovede u red.

Tajiba Brkić u svom obraćanju predložila je da se ne ide sa otpuštanjem radnika, ali da se na neki način mora pristupiti mjerama štednje.

Demo Kevrić u svom obraćanju u svoje lično ime predložio je da se tačke 1. i 3. iz predloženog paketa mjera prolongiraju, odnosno da se rok donošenja novog Pravilnika iz tačke 3. prolongira za 31.12.2014. godine.

U daljnjoj raspravi su učestvovali: vijećnik Ismet Abdulahović, vijećnik Mario Mirčić, Općinski načelnik Kovačević Avdija, vijećnik Demo Kevrić koji je pozvao predsjedavajućeg OV da njegov izneseni prijedlog, koji se odnosi na tačku 3. prijedloga mjera štednje, stavi na izjašnjavanje, tj. da se navedeni rok 30.06.2014. godine pomjeri na 31.12.2014. godine. U daljnjoj raspravi su učestvovali vijećnik Zdravko Barkić i predsjedavajući OV Zdravko Marošević.

Predsjedavajući OV zaključio je raspravu i podsjetio na izneseni prijedlog vijećnika Đeme Kevrić.

Za riječ se javio vijećnik Demo Kevrić i izjavio da povlači izneseni prijedlog.

Predsjedavajući OV stavio je na izjašnjavanje Prijedlog Mjera racionalizacije troškova Jedinstvenog općinskog organa uprave Općine Vareš na izjašnjavanje.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM glasom usvojene**

***Mjere racionalizacije troškova
Jedinstvenog općinskog organa uprave Općine Vareš.***

Ad. 11.

*(Prijedlog Rješenja o imenovanju Komisije za odabir korisnika sredstava
Budžeta Općine Vareš za 2014. godinu – transfer za neprofitne organizacije.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za odabir korisnika sredstava Budžeta Općine Vareš za 2014. godinu – transfer za neprofitne organizacije.

Nakon izjašnjavanja vijećnika predsjedavajući OV konstatuje da **je jednoglasno usvojeno**

***Rješenje o imenovanju Komisije za odabir korisnika sredstava
Budžeta Općine Vareš za 2014. godinu – transfer za neprofitne organizacije.***

Ad. 12.

(Tekuća pitanja.)

1. Predsjedavajući OV upoznao je Vijeće sa sprovedenom procedurom u vezi dostavljenog akta Općinskom vijeću od strane Muftić Hanke iz Ligatića.
2. Predsjedavajući OV upoznao je Vijeće o dopisu Općinskog načelnika broj: 02-381/14 od 16.04.2014. godine koji se odnosi na mjere racionalizacije troškova Općine Vareš u kome je predloženo da se do kraja godine redovne sjednice OV Vareš, održavaju po potrebi. Kolegij OV je na 18 sjednici održanoj 22.04.2014. godine upoznat sa ovim aktom, te je odlučio da će Vijeće o istom raspravljati i izjašnjavati pod tačkom „Tekuća pitanja“ na današnjoj sjednici.

Otvorena je rasprava u kojoj su učestvovali predsjedavajući OV Zdravko Marošević koji je iznio mišljenje u vezi racionalizacije troškova i vijećnici:

Mario Mirčić koji je ispred Kluba vijećnika Hrvatske koalicije za Vareš HDZ-HSS-

NHI izjavio da ne prihvata ovu inicijativu.

Elvir Rožajac koji je predložio da se izvidi mogućnost smanjenja vijećničke naknade, te izjavio da nije za smanjenje broja održavanja redovnih sjednica OV.

Demo Kevrić koji je iznio je stav Kluba vijećnika BPS da se redovne sjednice OV održavaju jedanput mjesečno, odnosno u skladu sa Programom rada OV.

Zdravko Barkić koji je iznio je stav Kluba vijećnika SDP da se broj redovnih sjednica OV ne smanjuje, odnosno da se održavaju u skladu sa Programom rada OV, ali ako budu svi za racionalizaciju da će biti i oni.

Kenan Kamenjaš koji je izjavio da Klub vijećnika SDA nije za smanjenje broja održavanja redovnih sjednica OV. Predlaže da se u vezi mogućnosti smanjenja naknade za vijećnike, postigne zajednički dogovor i odluka o visini naknade za vijećnike.

Predsjedavajući OV je na osnovu diskusije u raspravi i iznesenih stavova predložio slijedeći

Zaključak:

- **Zadužuje se Predsjedavajući OV da u roku od 15 dana održi sastanak sa Klubovima vijećnika na kome bi se postigao dogovor u vezi mjera racionalizacije troškova Općine Vareš broj: 02-381/14 od 16.04.2014. godine, odnosno o eventualnom smanjenju naknade za vijećnike. O konačnom stavu Klubova vijećnika, OV će se upoznati na sjednici Vijeća.**

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

3. Predsjedavajući OV upoznao je Vijeće sa Molbom za popravak stepenica, potpornih kamenih zidova i prilaznog puta u ulici Zukići, dostavljenom 28.04.2014. godine od strane građana Alme Mandić i Ivica Terzić. Predsjedavajuću OV je konstatovao da je Općinski načelnik upoznat sa problemom navedenom u dopisu.
4. Predsjedavajući OV je konstatovao da je Vijeće upoznato sa dokumentom „Projektne ideje za investicije u Varešu“.
5. Sekretar OV Leon Pavlović upoznao je Vijeće da je na osnovu zaključka sa 17. sjednice OV u vezi Inicijative grupe građana koja se odnosi na prioritet prilikom zapošljavanja, Ministarstvo za obrazovanje, nauku, kulturu i sport ZDK dostavilo odgovor broj: 10-38-7562-1/14 od 14.04.2014. godine. Sa navedenim odgovorom pismeno je upoznat podnosilac Inicijative. Također je upoznao Vijeće sa aktom Skupštine ZDK broj: 01-02-7433-1-1/14 od 22.04.2014. godine, koji se odnosi na Inicijativu Općinskog vijeća Vareš za dopunu člana 98. Zakona o građenju („Sl. novine ZDK“, broj 1/05, 2/08 i 15/09), podnesenoj 17.06.2010. godine.
6. Vijećnik Elvir Rožajac izvijestio je Vijeće da je ispred mještana zaseoka Kosići zamoljen da iznese problem u vezi vodovoda, odnosno da mještani traže da se vodovod Ravne preda na upravljanje JKP d.o.o. Vareš kako bi i taj zaseok dobio vodu. Moli nadležne u Općini Vareš da obave razgovor sa predsjednikom mjesne zajednice i da se očituju o ovom pitanju.

Predsjedavajući OV je konstatovao da je nadležna Služba uprave, izneseno primila k znanju.

7. Vijećnik Zdravko Barkić uputio je pitanje pomoćniku načelnika za privredu i finansije „Šta je sa Izvještajem o izvršenju budžeta Općine Vareš za period 01.01.-31.03. 2014. godine?“

Predsjedavajući OV je dao odgovor da je navedeni Izvještaj po Programu rada OV za 2014. godinu, planiran da se razmatra na sjednici u aprilu mjesecu, ali će Vijeću na razmatranje i usvajanje biti dostavljen na sjednici koja će se održati u maju tekuće godine.

Općinski načelnik uputio čestitku za Međunarodni praznik rada 1. maj i pozvao sve prisutne da 30.04.2014. godine (srijeda) na platou pijace u večernjim satima, prisustvuju druženju i paljenju logorske vatre koju organizuje Odred izviđača „Zvijezda“ Vareš.

Predsjedavajući OV Zdravko Marošević u svoje lično ime i u ime Općinskog vijeća Vareš uputio čestitku za Međunarodni praznik rada 1. maj.

Sastavni dio ovog Zapisnika je audio zapis sjednice.

Sjednica je završena u 21,25 sati.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević